



Posbus 7113, Newtonpark, 6055  
Telefoon (041) 3651233  
Faks (041) 3652586  
h/v Willetstraat en 4de Laan, Newtonpark, 6045

*Uitnemendheid begin by omgee*

**NUUSBRIEF 40**

**22 November 2019**

**UIT DIE KANTOOR**

Geagte Ouers

### **MOVEMBERMAAND UITDAGING**

Ons herinner u weer aan ons "Movembermaand"-kompetisie. Ons gaan vir die kinders 'n geleentheid gee om hul aanplaksnorre volgende Vrydag, 29 November, na afloop van die saalbyeenkoms teen R10 inskrywingsfooi te dra. Die Pappa's wat hierdie maand snorre "gekweek" het, kan hul foto's vir ons instuur en teen R20 sal die foto's dan op ons Facebookblad gelaai word. Onthou dat alle fondse dan ten bate van prostaatanker geskenk word.

### **LAASTE SAAL EN RAPPORTE**

Ons laaste saal vir die jaar vind op Vrydag, 29 November 2019 plaas. Ons neem by die geleentheid van ons graad 7-leerlinge afskeid en die ouers is baie welkom om die saalbyeenkoms by te woon. Die leerlinge se rapporte sal aan die einde van die dag aan die leerlinge gegee word om huis toe te neem. Indien u kind se rapport gepos moet word, stuur asseblief 'n geadresseerde koevert ( $\pm 22\text{cm} \times 11\text{cm}$ ) met 'n seël op, aan u kind se klasonderwyser/es teen 28 November 2019.

### **SKOOLVERLATERS**

Laat ons asseblief so spoedig moontlik weet indien u kind nie volgende jaar weer by Laerskool Newtonpark gaan wees nie (graad 7's uitgesluit). Ons is besig om inskrywings vir 2020 te finaliseer, daarom is dit belangrik om te weet wie nog hier gaan wees en wie nie. Sekere klasse is ook reeds vol en daar is aansoekers wat wag vir 'n opening.

### **KLEREWINKEL**

Neem asb. kennis dat die klerewinkel op 2 Desember sluit.

### **LAERSKOOL NEWTONPARK FACEBOOKBLAD**

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

## VAKANSIENASORG: DESEMBER 2019

Ons bevestig graag dat die Desembervakansienasorg wel voortgaan.

Indien u kind nie in ons nasorg is nie en u wil graag daarvan gebruik maak stuur asb. e-pos na [admin@lnpark.co.za](mailto:admin@lnpark.co.za) om die vorm aan te vra.

Die voorgestelde tydperk is:

1. **Donderdag, 5 Desember 2019 tot Vrydag, 13 Desember 2019 (7 dae). (Skole sluit Woensdag, 4 Desember 2019)**
2. U moet asseblief ook onderneem om die nasorgtye nl. 07:30-17:30, stiptelik te eerbiedig. **Die tarief beloop R350 per kind (R650 vir 2 kinders) en is vooruitbetaalbaar.**

**Slegs leerlinge wie se vakansienasorggeld teen 29 November 2019, inbetaal is sal toegelaat word. Geen laat inskrywings sal aanvaar word nie, want ons reël toesig volgens die inskrywings.**

## SKOOLGELDE 2019

Baie dankie aan al die ouers wat gereeld hul skoolgelde betaal. Ek wil tog 'n vriendelike beroep op diegene doen wat agterstallig is, om die verpligting wat betref u kind se skoolgelde, so spoedig moontlik na te kom. **Aan die einde van November moet al 2019 se skoolgelde klaar betaal wees.** Die skool is verantwoordelik vir sy eie rekeninge, want ons kry **minimale** hulp van die staat. **Indien daar nie deur ouers gereageer word deur hul skoolgelde te betaal nie, sal die beheerliggaam genoodsaak wees om verdere stappe te neem.** Die betaling van skoolgelde is 'n wetlike verpligting (staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

## ELEKTRONIESE BETALINGS

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

Op die verwysing van die inbetaling moet u asseblief die rekeningnommer en/of u kind se naam en van verskaf. 'n Bewys van betaling moet per e-pos na [fin@lnpark.co.za](mailto:fin@lnpark.co.za) gestuur word.

## GEDAGTE VIR DIE WEEK:

*Familie*

is soos takke aan  
'n boom,  
almal groei in  
verskillende  
rigtings  
maar ons wortels  
bly as een.



*Pienaar*

JJ. Pienaar

SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 084693531

# ALGEMEEN

## BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 25 November : Klerewinkel: **07:30 – 12:00**  
Kuns graad R – 7: **12:30 – 13:30**
- Di – 26 November : Kuns graad R – 7: **12:30 – 13:30 (laaste)**
- Wo – 27 November : Klerewinkel: **12:00 – 14:30**
- Do – 28 November :
- Vr – 29 November : Klerewinkel: **07:30 – 12:00**  
**Rapporte word vandag aan leerlinge uitgedeel**  
Drama graad R – 7: **12:15** in die Saal

# SPORT & KULTUUR

## SOKKER

Kyle Raath in graad R3 speel sokker vir die Mahle Old Grey Football Club 0/6 Panda-span en het gedurende hul prysuitdeling verlede naweek troffees vir “Top Goal Scorer” asook “Player of the Season” ontvang. Baie geluk!



## TENNIS

Migaël van Rooyen in graad 3DO het die naweek van 2 – 3 November aan die 0/10 Buffalo City Mini 3-toernooi in Oos-Londen deelgeneem en 2de in sy groep in die 0/10 afdeling geeindig. Baie geluk!

## DANS

Simoné Swanepoel in graad 6E het op 2 November tydens haar dansskool, Ray's Dance Studio, se “Annual Showcase” die volgende sertifikate en trofee ontvang:

- Certificate of Excellence
- Certificate for Excellent Performance
- Certificate of Event
- Trophy for Most Dedicated Student

Baie geluk!

